

安福縣志卷之七

城池

街巷 古城 關隘附

設險以守國亦王公所以衛民也然當聖王之時民保於城而衆志之城益壯則所恃以共守者在德而不在險我

朝永清大定舊符絕跡溪崗投誠二百餘年允矣

昇平誌慶故邑自創建以後土功告畢水患頻仍迄今城復於隍而百姓皆安堵如故何其幸與顧烽火雖獲不驚而金湯未可不固倘亦守土者與思

安福縣志

城池

一

卷之七

築鑿當為■春■以待焉爰於城工之興廢為之特書而古城關隘之可考者即附於後志城池

國朝雍正十二年建縣城於道溪之陽本永定衛之裴

家河地知縣徐騰芳董其役周三里零六分計六百

三十八丈五尺高丈二尺厚一丈塚高三尺甃以甃

門四東曰映輝南曰挹薰西曰餞納北曰上騰外鑿

為濠越三年藏事惟■營難固未易垂■疊遭乾隆

十三四兩年水患多有傾圮二十三年經知縣張霖

詳請估修嗣於二十七年經知縣■朝詩詳明奉文

肇造仍因地非衝要列入緩工今傾圮殆盡惟南門  
尚存東北一帶僅留土堆餘則故址漸湮不復能辨

街巷 附

東興街六十戶 在東城內

福興街四十八戶 在西城內

上勝街七十二戶 以下俱係南城外

德政街四十一戶

昇平街三十九戶

興隆街四十二戶

安福縣志

城池

東興街五十一戶

永興街七十二戶 在河街

古城 附

申鳴城在縣治北六十里相傳楚大夫申鳴築原澧  
州境今撥入安福俗名古城隄方輿記申鳴城在澧  
陽縣申明楚大夫邑於是地一統志申明當作申鳴

通志在州南六十里

宋玉城在縣東十二里長樂鄉原澧州境今撥入安  
福或稱宋王城者誤詳古蹟志輿地記勝宋玉城內

有米玉廟及銅涵堰皆以銅冶為之畝收三十種一種

作鍾通志在州南六十里按舊志以玉乃詞客所居不應名城或者古有此城宋玉

嘗居之故後人即以玉名亦未可定猶新城有車武子宅後人遂名車城也此語近是

按舊志載舊以漢中臨澧溧陽崇義及九溪衛等

故城俱在安福境內今考漢中城在慈利二十都

三官臺崇義城無考或以為即漢中故城溧陽城

在今石門溧陽鄉九溪衛城亦在慈利索口岩惟

臨澧城舊州志以為在石門縣南通志以為即今

永定大庸衛地恐有沿誤之處要皆非安福境內

安福縣志



城池

三

卷之七

地也故不悉登

附關隘

澧自前明設立諸衛所以防桑植茅岡土寇之變

其時邑境半屬衛所地而論者遂指為蠻溪獠崗

邊塞險奧之區其實非也嘗試登高而望之見夫

遠山娟娟蒼翠宜人細水漣漪濃皴入畫平原曠

野之內水畦對展烟舍星稠村徑交通市墟遙接

絕無深林密箐足以藏奸問當日連營守險之地

何在則紀載多失其真大抵天下一統無此疆爾

界無所謂邊王土王民亦無所事防也惟備豫不  
虞古之善教故於關隘有所必錄而市鎮又各以  
次相附焉

大石殿 俗名打巖殿 在縣東三十里臨道水上與澧州分

界處石壁峭立廬市周聯為往來之孔道

鰲山舖在縣東五十里西北屬安福東屬澧州南路

塘汎外屬武陵為三邊交界七省南北通衢而鰲山

岡後里許約三百餘家舖戶為安福布帛交易市鎮

互詳山川其舖基悉安福地也舊志未詳

安福縣志

城池

四

卷之七

道口在縣東六十里道水由此入澧為一縣之水口

交家店在縣南三十里上通慈永下達澧岳南至武

桃北抵石桑

南陽堡在縣南四十五里衍嗣庵下與武陵分界處

有雙土地祠二縣分祀

奈市鎮在縣西三十里道水上即古奈公渡又名龍

潭鎮有橋曰道源橋因屬奈公渡亦名奈市橋北有

文明制南有龍口石塌為常澧要津南北官路市居

稠密 原志誤以奈市龍潭分二處

雞冠塢在縣西四十里由了角山來與銅山並峙山頂奇峰疊起中有鋤鑄形似雞冠為新安鎮眾山之祖

合口市在縣北五十里新安鎮之下

吳家廠在縣北五十里臨澧水上與石門分界處其地寬衍貿易者眾

新安鎮在縣北六十里臨澧水上東界澧州西界石門四路交通百貨齊集為商民輻輳之所  
欄樟店在縣北七十里

安福縣志

城池

五

卷之七

雙河口在縣北八十里澧水總會之所

按舊通志載安福關隘十二處惟新安鎮一處在安福境至新安屯堡即新安鎮誤分為二其餘如金藏龍湫九源大坪四關安福添平二所及楊家岩七星砦馬腦坡新關口諸處盡屬永定故不錄又舊志載有牯牛壩蝦蟆嶺九姊妹墩三處俱非險要亦無庸載今所載者皆安福重地守官所當掌之以固圉者也